

Ekskluzive

Ekskluzive | Ky është 23-vjeçari që dyshohet se shtiu me armë nga vetura në Klinë – identifikohet pas disa ditësh



Sinjali.com

03 Shtator 2026 23:04



Policia ka arritur ta identifikojë të dyshuarin për të shtënat me armë që kishin ndodhur ditë më parë në rrugën “Ymer Berisha” në Klinë, merr vesh Sinjali.

Burimet e Sinjalit bëjnë të ditur se bëhet fjalë për **Altin Marmullakun**, 23-vjeçar, i cili dyshohet se kishte shtënë disa herë në ajër nga një veturë dhe më pas ishte larguar nga vendi i ngjarjes.

Rasti kishte ndodhur më 28 gusht, rreth orës 00:20, kur Policia ishte njoftuar për të shtëna me armë.

Njësitë policore kishin dalë në vendin e ngjarjes, ku gjatë ekzaminimit ishin gjetur dhe sekuestruar katër gëzhoja të kalibrit 9 mm.

Në atë fazë, personi që dyshohej se kishte shtënë nuk ishte identifikuar dhe rasti fillimisht ishte proceduar me shënim zyrtar.

Por hetimet kanë vazhduar.

Sipas informacioneve të Sinjalit, hetuesit policorë kanë arritur sot, më 3 shtator, ta identifikojnë Marmullakun si personin që dyshohet se kishte shtënë nga vetura.

Policia më pas ka shkuar në shtëpinë e tij, ku i dyshuari e ka dorëzuar vullnetarisht armën, e cila është sekuestruar në cilësinë e provës materiale.

23-vjeçari është shoqëruar në stacion policor dhe është intervistuar lidhur me rastin.

Pas konsultimit me Prokurorin e Shtetit, ndaj tij është iniciuar rasti për veprën penale “Mbajtja në pronësi, kontroll ose posedim të paautorizuar të armës”, ndërsa pas intervistimit është liruar në procedurë të rregullt.

Hetimet për rastin po vazhdojnë.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

identifikohet

shtiu me arme

nga vetura

Të tjera:



Ra nga një ndërtesë në Londër para 18 vjetësh, gruaja misterioze tek tani ka gjasa të...

Evropë



20-vjeçari shkroi në rrjete sociale se e shet votën, identifikohet nga Policia

Siguri



Shqipëri/ Identifikohet vajza që u mbyt në plazhin e Durrësit – policia jep detaje



Shqipëri/ U godit nga vetura dhe u tërhoq zvarrë, identifikohet i riu i aksidentit të...

Rajon

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitness
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera